

Ո Ր Ո Շ ՈՒ Մ

Վարչական բողոքը մասնակի բավարարելու, Ճանապարհային ոստիկանության վարչական տույժ նշանակելու մասին 10.07.2018թ. թիվ 1808273503 որոշումը բեկանելու, իսկ 02.07.2018թ. թիվ 1808356667 որոշումն անփոփոխ թողնելու մասին

<<24>> 08 2018թ. 17-13-92419-18/17-13-9945

ք.Երևան

ՀՀ ոստիկանության ճանապարհային ոստիկանության պետի պաշտոնակատար, ոստիկանության գնդապետ Ն.Սարգսյանս, վերանայելով Կարեն Գրիգորյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Դրոյի փողոցի, 28 շենքի 55 բնակարանի բնակիչ Կարեն Գրիգորյանը դիմումով խնդրել է բեկանել Ճանապարհային ոստիկանության վարչական տույժ նշանակելու մասին 10.07.2018թ. թիվ 1808273503 և 02.07.2018թ. թիվ 1808356667 որոշումները՝ նշելով, որ իրավախատման որոշումները ստանալուց և տեսանյութերը դիտելուց հետո է հայտնաբերել, որ նշված խաչմերուկում փոխվել են <<Երթևեկության ուղղությունները գոտիներով>> ճանապարհային նշանը:

Դիմումի քննարկման արդյունքում պարզվել է, որ բեկանման է ենթակա 10.07.2018թ. թիվ 1808273503 որոշումը, քանի որ Երևան քաղաքի Սևակ - Դրո փողոցների խաչմերուկը կահավորված է 5.15.1 <<Երթևեկության ուղղությունները գոտիներով>> ճանապարհային նշանով և կատարված են համապատասխան հորիզոնական գծանշումները, սակայն 17.06.2018թ. դրությամբ ճանապարհային նշանը մասամբ ծածկված է եղել ծառի ճյուղերով:

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> ՀՀ օրենքի 6-րդ հոդվածի 1-ին և 2-րդ մասերի համաձայն՝ իրավախախտման հատկանիշների պարզումը վարույթ իրականացնող վարչական մարմնի կողմից տեսանյութում կամ լուսանկարում ամրագրված արարքի հատկանիշների համադրումն է իրավախախտման հատկանիշների հետ: Իրավախախտման հատկանիշները համարվում են պարզված, երբ տեսանյութում կամ լուսանկարում ամրագրված արարքի հատկանիշների և իրավախախտման հատկանիշների համապատասխանությունը կասկած չի հարուցում, իսկ կասկածի դեպքում մեկնաբանվում է իրավախախտման անհիմն:

Ճանապարհային ոստիկանության վարչական տույժ նշանակելու մասին 10.07.2018թ. թիվ 1808273503 որոշմամբ արձանագրված իրավախախտումն ամրագրած տեսանյութի լրացուցիչ ուսումնասիրության արդյունքում իրավախախտման փաստի առկայությունը համարվել է կասկածելի:

Ինչ վերաբերվում է 02.07.2018թ. թիվ 1808356667 որոշմանը՝ դիմումատուին վարչական պատասխանատվության ենթարկելու մասին, ապա դրանք օրինական են և իրավաչափ, իսկ դիմումատուի փաստարկն այն անվավեր ճանաչելու հիմք չի կարող հանդիսանալ, քանի որ 02.07.2018թ. դրությամբ <<Երթևեկության ուղղությունները գոտիներով>> ճանապարհային նշանը ամբողջությամբ տեսանելի է եղել, քանի որ ծառահատման աշխատանքներ են իրականացվել, հետևաբար դիմումատուն թույլ է տվել Վարչական իրավախախտումների վերաբերյալ ՀՀ օրենսգրքի 124-րդ հոդվածի 1-ին մասով նախատեսված արարք:

Ելնելով վերոգրյալից, ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետով և Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 10.07.2018թ. թիվ 1808273503 որոշումը բեկանել և վարչական իրավախախտման վերաբերյալ գործը կարճել:
2. Ճանապարհային ոստիկանության վարչական տույժ նշանակելու մասին 02.07.2018թ. թիվ 1808356667 որոշումը թողնել անփոփոխ, իսկ վարչական բողոքը՝ դրան վերաբերող մասով, առանց բավարարման:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Կարեն Գրիգորյանին:

Կատարող՝ Ա. Մարգարյան



[Handwritten signature]

Ն. Սարգսյան